

Ukioq 2023-mi Nunat Avannarliit Siunnersuisoqatigiiffiata ataatsimeersuarnerani Naalakkersuisut Siulittaasuata Múte Bourup Egede-p oqalugiaataa.

Asasakka najuuttut

Takorlooriarsiuk ikinngutigiiinnut arfineq pingasuusunut ilaallusi. Ikinngutigiit suleqatigiilluarput pitsaasumillu ataatsimoorsinnaallutik. Ikinngutigiiinnerli killeqarpoq, tassami pisut pissanganarsitillugit ikinngutigiit tallimat ataatsimoortarput ikinngutillu pingasut peqataaqqusaanatik. Tamanna nammineerlusi tusaasinnaavarsi. Ikinngutigiiinneq naligiissumik ingerlanngilaq.

Nunat Avannarliit Siunnersuisoqatigiiffianni suleqatigiinneq ikinngutigiiinni ataatsimoorfiusutut ippoq. Uagut Kalaallit Nunaanneersut ataatsimoornermut tamatumunnga peqataarusukkaluarpugut. Tamannali pisussaaffinnut akisussaaftinnullu atatillugit naligiimmik ingerlasariaqarpoq. Ullumikkulli taamaattoqanngilaq.

Ullumi suliaasanut pimoorussassanut pingaarutilinnullu isummertussaavugut. Kalaallit Nunaat tamatumunnga peqataanissamut piareeqqavoq, peqatigisaanillu eqqumiippoq tassami pisussaaffinnut ilaasussaagatta akisussaaqataasussaalluta, taamaattorli ilaannakortumik peqataalluta.

Nunarsuarmi pissutsit allanngorsimapput. Unammilligassaqarpugut tamatta isummerfigisassatsinnik. Sillimaniarnermi pissutsit nutaat - nunarsuaq tamakkerlugu silap pissusaata allanngoriartornera issittumut sakkortuumik equivoq, peqatigisaanillu Nunanut Allanut Sillimaniarnermillu politikikkut oqaluuserisassanut ilaalluni.

Kalaallit Nunaat akisussaaqataasinnaavoq akisussaaqataassallunilu.

Ullumikkut eqqortumik oqaloriarta. Eqqortumimmi qanermioqartilluni angusat annertunerusarput.

Ullumikkut Nunat Avannarliit Siunnersuisoqatigiivini suleqatigiinneq tamakkiisuunngilaq ullutsinnullu naleqquttuunani. Danskillu oqaasii malillugit pissusissamisuunngitsumik ingerlasoqarluni.

Ataatsimoorluni suleqatigiinnermut Kalaallit Nunaat peqataatinneqanngilaq.

Illumoortumimmi imaappoq, Kalaallit Nunaat ikinngutigiiinnermut ilaannakortumik peqataatinneqarmat.

Tamannalu akuersaarsinnaanngilarput!

Ikinngutigiiinneq pitsaassutsinut A-mut aamma B-mut aggulunneqarsinnaanngilaq.

Ikinngutigiiittoqarsinnaavoq imaluunniit ilisarisimasareqatigiiginnarsinnaavugut nuannisaaqatigiinnerinnarmi naapittartut.

--

Ikinngutigiiinnerput pimoorunniangikkussiuk aamma peqataatinneqarnissarput tusaaneqarnissarpullu qulakkeerniangukkussiuk, maani peqataanerput nalilersoqqittariaqarparput. Kissaatigaarput peqatigiinnermiut TAMAKIISUMIK PEQATAATINNEQARNISSARPUT, ilaannakortumiunngitsaq.

Kisianni naligiissumik suleqatigiinnissaq ukiut ingerlanerani ujartortuagarput peqataaffigineqarusuppat ataatsimoorfissaqarpugut

Tamannali utaqqissunneqaqqissinnaanngilaq. Ukiut tallimat, qulit utaqqeqqissinnaanngilagut. Ataatsimoortoqarsinnaavoq imaluunniit naamik. Naligiissumik suleqatiginnikkusuppugut - ilissimi?

Asasakka ikinngutikka, ukiumi 2023-mi inuuvugut. Ullumikkumut naleqquttumik suleqatigiinniarta.
Piffissami matumani ajornartorsiorfiusumi nunat assigiinnik naleqartitallit naligiittut suleqatigiittariaqarput.

Qujanaq!